



提起美國紐約大家自然會想起百老匯歌劇、名牌商店等旅遊必到之處，其實除睇睇劇買衫之外，嗰呢度仲有好多古怪嘢，例如搵巫師改運以及買驚人骨做手信，都十分另類。

撰文、攝影：胡慧冲

紐約訪巫師、買人骨

奇異購物之旅



▲用呢呢包着沖涼會有迷行嘍！US\$4，你話抵唔抵？



▲巫師店外觀，一睇就知乜嘢。

巫術專門店

紐約七人都有，一個曼克頓區 (Manhattan) 就有哈林黑人，又有世界級大富豪。不過最怪係嗰個世界文明先進嘅地方，竟然有人信巫師，亦有人學巫術，於是有關店舖十分受歡迎，筆者嗰第九街發現有一間巫術店，採訪之時，短短45分鐘就已經有十多人到來幫襯，而且唔少人仲好鬼認真咁去尋求意見，要求幫忙。入面職員每位都係受過專業訓練嘅巫師，而呢度除咗有不同嘅巫術用品發售之外，亦有巫師替你做法事，十分神奇。



▲石蠟嘍，買支仿骨筆留念亦得。



學巫術

入面有齊所有學巫術嘅用品，例如神油、草藥、占卜牌、咒語書等，亦有改運用嘅蠟燭、沖涼草藥。據講十分之靈，尤其一啲顏色蠟燭，據巫師所講橙色可助你工作、生意，紫色助你升職，白色助你愛情，總之不同顏色有不同力量，你信唔信？

巫師自選

不過至神奇嘅就係巫師會好似醫生咁聽人客講心事，之後就會幫佢做一啲開運蠟燭，同你改運，用刀挑通一啲大蠟燭，劃上法號，搽上特製嘅神油，再唸經，一支大蠟燭連做法事差不多要US\$100，但依然十分受歡迎。唔通真係咁厲害？但佢所用嘅神油據講係用咗蜘蛛絲、露水、草藥加咒語「煮」成，十分罕有，當然亦十分有趣。

店名：Enchantments
地址：341 East 9th Street, New York
電話：(212) 2284394



▼開運蠟燭 US\$2一支。



▲「法師寶典」，畫唔畫就要靠佢！

賤骨頭專門店

巫術店夠唔離奇古怪，但嗰紐約有間舖頭亦有番咁上下「特別」，佢英文名叫M & M，但並唔係賣朱古力，而係賣死人骨頭以及動物骨頭。價錢由US\$6一節手指骨仔，至最貴US\$695一個真人頭骨都有。呢度咩骨出名貨真價實，唔會用假嘢扮真骨呢顧客。佢地老闆叫亨利，佢本身係一個藝術家，佢認為骨頭係一種自然嘅完美藝術，事實上嗰紐約呢度亦有唔少人同意佢嘅說法；因為真係唔少人幫襯佢地——醫生、學生、收藏家，總之七人都有，要學做乜真係只有佢地先知。

骨從那裏來？

據亨利所講，M & M有班供應商專門幫佢地執骨番嚟，但去邊度執？點執？合法定非法？佢地就話唔知嘍。呢度除咗有人骨之外，亦有各款大小動物嘅骨，例如狗頭骨賣US\$36，貓頭骨US\$26，而鯊魚牙骨仲賤——US\$19！真係乜骨都有，此外亦有咁有關骨頭研究嘅書賣，亦有咁怪骨小玩意，例如筆呀咁，要學做紀念品都好有趣。呢度實嘅大多數係賤骨頭，例如肋骨，每節US\$4，手指、腳趾骨US\$6，骨節US\$15，全部唔使US\$100，不過亦有富貴骨頭，例如人手骨一條US\$395，腳骨一條US\$360，尾龍骨一欸US\$350，人頭骨最貴US\$695，有貴有唔貴責任君選擇。全



▲唔買嘢吓吓都夠Feel！

▲唔好以為係萬聖節，呢間就係骨頭店。

帶骨入口有冇問題？

據有關部門所講，呢啲骨有血肉舖住，唔會腐化，等於骨灰一樣帶入港，基本上冇問題。

店名全名叫Maxilla & Mandible (即上顎骨及下顎骨)

地址：453 Columbus Ave (Between 81 and 82 Street)

電話：(212) 7246173


週一至週六開朝11至晚7



▲猴子標本夠唔恐怖，不過唔使買，但唔買嘢。

遊遊備忘

- 簽證：BNO、CI、特區護照，均需簽證，費用HK\$160，需時一個工作天。
- 機票：直航紐約來回經濟位約HK\$7,800。
- 酒店：百老匯區有間叫Days Hotel，對面有Subway，當中的Studio房（即大梳化拉開變床睡房）US\$100一晚。電話：(212) 5817000
- 地址：8th Ave & 48 Street New York
- 貨幣：美金、開寫US。US\$1 = 約HK\$7.75
- 氣候：12-1月零度左右，有雪。
- 語言：英語
- 旅行社：各大旅行社均有團前往紐約，七天團約HK\$8,990
- 查詢電話：2841-2220 (美國駐港領事館)



▲真人頭骨，你夠膽買冇？

夢 奇幻 影 城

最新推出 優惠香港人而設的

珍寶套票